

ūzula slices varēja dabūt tikai Mērdzines pogostā. Myusu mežus zīmā bīži reikāja medības ar dzinējiem, jo meži beja bogoti ar styrmom, začim un cytim meža dzeivinikim. Tamā laikā es vēl apmeklēju Mērdzines pogosta ūtru 6 kl. pamatskūlu. Mes, vacoki skūlas puikas, bīži vīn uzajēmem dzinēju pīnōkumus. Par dorbu mums moksōja divi lati dīnā un pušdīnēs deve par breivu svītmaizeites. Par kotra nūšauta zača nessōnu moksōja 50 santimu, bet par lopsas nessōnu moksōja vīnu latu. Medeibōs storp cytu pīsadaleja ari bejuši Ludzas apriņķa pīlsātas vacoki Sprydzāns un Ontōns Kolužs.

Mērdzines pogostā ir divi leli azari. Vīns ir Snōtivļu cīmā, kas ir apmāram 2 km gars, bet ūtrs Leļovas cīmā. Leļovas cīma azars ir pulka lelōks par Snōtivļu cīma azaru, bet pi tō ir gryuši tikt klōt, jo apkōrtne ir pūraina un krosti dyuņaini. Mērdzines pogosts ir bogots ar pūrim. Kreiču pūrs ir bogots ar dzērviņu ūgom. Šō pūra zōle ir dereīga tikai pakaišim. Turpretim Dekterovas pūrā aug loba zōle, ōryska, kas dereīga lūpu barōšonai. Zyr-gim un gūvim Dekterovas pūra sīns labi garšoj, un gūvis labi dūd pīna.

Pogostā ir vairōkas patmaļas. Seviški ir atzeimojamas Pūdynovas cīma patmaļas, kuras pīdarēja patmaļnikam Dunduram, kur beja kūku zōgēto-va, maļšonas un vērpšonas īreices. Jōņs Dundurs ir 16 bārnu tāvs. Lobas patmaļas ir ari Mežerniku cīmā. Lelōkō dēļu zōgētova ir Strauju cīmā.

Mērdzines pogostā ir četras bizneicas: